



Zot i koné l'occitan ? Sa i rapèl in pè nout ka

Publié dans l'édition du vendredi 23 mars 2007 (page 16)

SA sé in lang. Na plïss dè million dmoun i koz lang-la dann sūd La Frans, dann l'espagne épī dann l'itali. Lang-la, konm tout lang, i ansèrv soubassman in kültür. Zot la mem eu in "prix Nobel" avèk Frédéric Mistral.

Mem si l'État fransé la pa lèss azot bien dévlopé, zot la fine fèr in bon bout shëmin : zot nana dann bann koléktivité zot sharjé d'mission. Zot nana in mézon d'édition, in lign vètman occitan.

Dann dessèrtin komèrs, nana dmoun i fé lakèy an occitan. Zot nana zot müzik, zot litèratür, zot rakontèr zistoir. Nana in Kapès occitan LCR, konm nana in Kapès kréol LCR.

Dimansh passé zot té in bonpé dmoun, in bon pè milié dmoun, apré manifèsté dann in vil i apèl Béziers. Akoz ? akoz zot i réklam La Frans i sign "la charte européenne de défense des langues régionales européennes". Zot i vè l'occitan i rant dann lékol primèr. Zot i vè galman zot listoir, zot kültür i rant dann lékol konm i matièr rëkonü.

Dalon, dalone ! L'occitan, sa i rapèl pa nou in pè nout ka ?

Justin